



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԼԵԶՎԻ ԿՈՄԻՏԵԻ ՆԱԽԱԳԱՀ
ՀՐԱՄԱՆ

16 ապրիլի 2024 թվական, 18

Ք. Երևան, Կիևյան 16

ՎԱՐՉԱԿԱՆ ԻՐԱՎԱԽԱՒԱՏՄԱՆ ՎԵՐԱԲԵՐՅԱԼ
ՎԱՐՈՒՅԹ ՀԱՐՈՒՅԵԼՈՒ ՄԱՍԻՆ

Հիմք ընդունելով Հայաստանի Հանրապետության քաղաքացի Հովսեփ Խուրշուդյանի 2024 թվականի մարտի 22-ին «Դիմատետրի» («Ֆեյսբուք») իր էջում արած գրառումը, տեղադրած տեսանյութը և Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Սեդա Շահվերդյանի 2024 թվականի ապրիլի 16-ի հաղորդումը Հայաստանի Հանրապետություն, Արարատի մարզ, գ. Նորամարգ, Ազատության 4/1 հասցեում գործող «Ռիբարին» սահմանափակ պատասխանատվությամբ ընկերությունում Վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ գործավարությունը ոչ հայերեն վարելը զանցակազմին համապատասխանող դեպքի վերաբերյալ և ղեկավարվելով «Պետական կառավարման համակարգի մարմինների մասին» Հայաստանի Հանրապետության օրենքի 9-րդ հոդվածի 3-րդ մասի 25-րդ կետով, «Լեզվի մասին» Հայաստանի Հանրապետության օրենքի 6-րդ հոդվածի 2-րդ մասի 2-րդ կետի «ա» ենթակետով, Վարչական իրավախախտումների վերաբերյալ Հայաստանի Հանրապետության օրենսգրքի 9-րդ հոդվածով, 254-րդ հոդվածի 1-ին մասի 6-րդ կետով, 255-րդ հոդվածով՝

ՀՐԱՄԱՅՈՒՄ ԵՄ

1. Հայաստանի Հանրապետության լեզվի կոմիտեի վարչական իրավախախտումների բաժնի պետ Լիլիթ Հարությունյանին՝ ապահովել վարչական

իրավախախտման վերաբերյալ վարույթի հարուցումը «Ռիբարին» սահմանափակ պատասխանատվությամբ ընկերությունում:

2. Հայաստանի Հանրապետության լեզվի կոմիտեի վարչական իրավախախտումների բաժնի գլխավոր մասնագետ Նարինե Ռուշանյանին և ավագ մասնագետ Գոհար Մանթաշյանին՝

1) պարզել վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ գործավարությունը ոչ հայերեն վարելը զանցակազմին համապատասխանող դեպքի առկայությունը Հայաստանի Հանրապետություն, Արարատի մարզ, գ. Նորամարգ, Ազատության 4/1 հասցեում գործող «Ռիբարին» սահմանափակ պատասխանատվությամբ ընկերությունում.

2) Հայաստանի Հանրապետություն, Արարատի մարզ, գ. Նորամարգ, Ազատության 4/1 հասցեում գործող «Ռիբարին» սահմանափակ պատասխանատվությամբ ընկերությունում վարչական իրավախախտումների վերաբերյալ Հայաստանի Հանրապետության օրենսգրքի 189³-րդ հոդվածով նախատեսված՝ գործավարությունը ոչ հայերեն վարելը զանցակազմին համապատասխանող դեպքի առկայության, ինչպես նաև լեզվի բնագավառում այլ իրավախախտումներ հայտնաբերելու (բացահայտելու) դեպքում օրենքով սահմանված կարգով հարուցել վարչական իրավախախտման վերաբերյալ վարույթ և արձանագրել վարչական իրավախախտման դեպք(եր)ը, վարչական իրավախախտման վերաբերյալ արձանագրությունը կազմելիս ապահովել «Ռիբարին» սահմանափակ պատասխանատվությամբ ընկերության տնօրեն Արմեն Սուրենի Մովսիսյանի ներկայությունը:

3. Հրամանի կատարման ժամկետը՝ 2024 թվականի ապրիլի 17-ից 2024 թվականի մայիսի 10-ը:



ՍԻՐԱՆՈՒՇ ԴՎՈՅԱՆ